



Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1845

DCIV. Bischof Albert von Halberstadt beleihet den Markgrafen von
Brandenburg Ludwig den Aeltern mit Krumbeck, Seehausen, Werben und
Arneburg, imgleichen für den Fall der Genehmigung der Herzogin ...

Nutzungsbedingungen

[urn:nbn:de:hbz:466:1-56193](https://nbn-resolving.org/urn:nbn:de:hbz:466:1-56193)

DCIII. König Ludwig verspricht unter der Bedingung der Gegenleistung der Stadt Magdeburg, daß Markgraf Ludwig von Brandenburg sie mannhast vertheidigen soll, am 5. August 1323.

Ludovicus, Dei gratia Romanorum Rex semper Augustus, prudentibus Viris consulibus et vniuersitati Civium Magdeburgensium, fidelibus suis dilectis, gratiam suam et omne bonum. Fidei vestre puritas et devotionis constantia indefessam serenitatem regiam induxerunt, quod vniuersos et singulos atque ciuitatem uestram, in tuitionem nostram perpetuam recepimus et recipimus in presidium et solamen: sic quod contra quoslibet offensores vestros illicitos vos tenemur et debemus ad iustitiam defensare. Ad hec illustrem Ludovicum, primogenitum nostrum, Marchionem Brandenburgensem, vniuersis vobis ac singulis tali liga committimus et coadunamus sic, quod vos ad iustitiam contra inuales vestros quoslibet, quoad vixerit, suo fideli iuvamine, pro suarum posse virium, adiuuabit, Et id nomine suo, quisquis procurator ejus in Marchia constitutus fuerit, faciet et fideliter prosequetur. Vos vero vice pari nedum nobis, sed et filio nostro Marchioni Brandenburgensi adstringimus, ut declarant litere nostre, desuper vobis date. In cuius rei testimonium presentes vobis dedimus, maiestatis nostrique sigilli munimine roboratas. Datum apud Arensteden, Nonas Augusti, anno Domini MCCCXXIII. regni vero nostri Anno nono.

DCIV. Bischof Albert von Halberstadt beleiht den Markgrafen von Brandenburg Ludwig den Aelteren mit Krumbek, Seehausen, Werben und Arneburg, imgleichen für den Fall der Genehmhaltung der Herzogin Agnes von Braunschweig, mit Tangermünde, Gardelegen, Stendal und Osterburg. 10. August 1323.

Nos Albertus, Dei gratia Halberstadenfis Ecclesie Episcopus, ad vniuersorum notitiam uolumus peruenire, Nos ad requisitiones & instantias Serenissimi Domini Ludowici Romanorum Regis, Illustrem Dominum Ludovicum Marchionem Brandenburgensem primogenitum suum, de infra scriptis possessionibus, iurisdictionibus & honoribus, que quondam Marchiones Brandenburgenses, Predecessores sui, ab Ecclesia nostra & predecessoribus nostris in feodo habuerunt et possederunt, recte et legaliter infeodasse; videlicet castrum in Angermunde cum opido, castrum Gardeleghe cum opido, opidum Stendal, opidum Osterburch, decimas, monetas, theolonia, cum iurisdictionibus districtuum predictorum, sub ea conditione seu moderamine, si huic infeodationi consensus Illustris Principis Domini Ottonis Ducis Brunswicensis & Domine Agnetis vxoris sue accesserit & assensus. De subscriptis vero ipsum Marchionem omni cessante conditione rite & legaliter infeodamus, vtpote castro Chrumbeche, Sehufen, Werben opidis, castro Arenburch (sic) cum decimis, monetis, theoloneis & iurisdictionibus districtuum predictorum. — — — Datum in Arensteden, Anno Dni. Millesimo Trecentesimo vicefimo tertio, in die B. Laurentii Martiris.